



Publicaziuns dalla vischnaunca, jamna 23

Damondas da baghegiar

Nr. 2014-1024.000

Datum dalla publicaziun: 6 da zercladur 2014

Il patrun: Prema Gross, Via Sogn Antoni 18, 7182 Cavardiras
Nicola Mercolli, Via Bodoni 1, 6926 Montagnola

Il representant: Lamoth Raoseta Soh Architekten GmbH, Speerstrasse 14,
8832 Wilen bei Wollerau

Object: Midada d'intent, novaustria bar, parcella 2125, Via Sogn Antoni 16,
7182 Cavardiras

2014-1023.000

Datum dalla publicaziun: 6 da zercladur 2014

Il patrun: Pauli Flepp-Walder, Via Sorts 3, 7180 Disentis/Mustér

Il representant: Pauli Flepp-Walder, Via Sorts 3, 7180 Disentis/Mustér

Object: Construcziun d'in suttetg per autos, parcella 2335, Via Sorts 3,
7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér.

La protesta sto esser motivada e suttascretta dil recurrent ni da siu representant.

Disentis/Mustér, ils 3 da zercladur 2014

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2014-1017.000

Rita e Beat Levy-Venzin, Lindenstrasse 17, 8304 Kloten; sanaziun totala dil mir da sustegn
e dalla scala tier igl iert, parcella 670, Via Gonda, 7180 Disentis/Mustér.

Disentis/Mustér, ils 2 da zercladur 2014

Uffeci da baghegiar Disentis/Mustér

Administraziun communal

Gliendisdis Tschuncheismas, ils 9 da zercladur 2014 resta l'administraziun communal serrada igl entir di.

Administraziun communal



Controlla da habitonts

Naschientscha

Sina Dermon, naschida ils 17 da matg 2014, feglia da Manuela Dermon e Fabian Manetsch

Ivan Bentodos Santos, naschius ils 26 da matg 2014, feagl da Sandra Sofia Bento Duarte e Bartolomeu Neves Pereira dos Santos

Mortori

Leonhard Tenner, naschius il 9 da fenadur 1930, morts ils 23 da matg 2014

Sera d'orientaziun e discussiun

Invit

Per presentar il project d'embellaziun, signalisaziun ed informaziun envida la suprastonza communal **venderdis, ils 6 da zercladur 2014** allas 20.15 en halla Cons ad ina sera d'orientaziun e discussiun publica. Sper la presentaziun dil project vegn monsignur avat Vigeli Monn a presentar ils projects en connex cun il jubileum da 1400 onns claustra benedictina.

Suprastonza communal

Carrar sin vias d'uaul e vias funsilas

Sebasond sin la lescha forestala sco era il reglament da traffic basegna ei ina **carta da controlla** per astgar carrar sin las vias d'uaul e las vias funsilas. Retscheiver ina carta annuala san:

- a) proprietari ed affittaders da beims immobiliars pigl access al schischom;
- b) furniturs, glied da professiun, guardiacamonas, concessiunaris (purtaders d'ina patenta cantunala ni communal) per praticar lur activitads.

La taxa persuerter munta **frs. 100.–**. Cumpriu en quella summa ein 2 cartas annualas (ina da quellas ei transmissibla). Da niev sa la carta era vegnir retratga en fuorma d'in taccader (oravontut per motors e quads).

Taxas da carrar

Carta dil di frs. 15.–
jamnila frs. 30.–
annuala frs. 100.–

Las cartas ein da retrer tier l'administraziun communal. Las cartas dil di san, oravontut cura che l'administraziun communal ei serrada, era vegnir retratgas ella caffetaria dil Center da sport e cultura.

La polizia communal controllescha il carrar sin las vias d'uaul e castigescha surpassaments.

Diever agricol

Per maschinas agricolas basegna ei negina carta da controlla. Pil diever agricol cun auters vehichels sto vegnir retratg tier l'administraziun communal ina carta da legitimaziun. La taxa persuerter munta a frs. 20.–.



Attenziun Via Run

Muort il schliet stan dalla via vegn naven d'immediat tschentau ora neginas lubientschas dil di e dall'jamna per la Via Run.

Suprastonza communal

Fiera tessinesa da stad

Naven da **gliendisdis, ils 2 da zercladur 2014 e silsunter mintga gliendisdis duront ils meins da stad (zercladur, fenadur ed uost)** ha liug a Mustér ina fiera tessinesa. Ils stans vegnan endrizzai sil parcadi davos casa communal sper Via da Scola.

La fiera ha liug mintgamai naven dallas 8.00–18.00.

Administraziun communal

Cussegl da vischnaunca

Il cussegl da vischnaunca seraduna venderdis, ils 13 da zercladur 2014, allas 20.15 en casa communal.

Tractandas:

1. Protocols nr. 11- e 12-2013/2016
 2. Ovra Acletta: Project en detagl (messadi nr. 13-2013/2016)
 3. Menaschi tecnic: Credit per la cumpra d'ina maschi-na (messadi nr. 14-2013/2016)
 4. Postulat per in meglier access Claustra-Staziun-Sala-plauna: Risposta (postulat nr. 1-2013/2016)
 5. Collaboraziun da scola Sursassiala: Informaziun
 6. Ura da damondas (conform ad art. 44 dil regulativda fatschentas)
Il president dil cussegl da vischnaunca
-

Serrada dalla via Pardomat

Igl uffeci cantunal da construcziun bassa dil Grischun realisescha la sanaziun generala dalla via da comunicaziun a Pardomat. Duront las lavurs da construcziun sto la via vegnir serrada per scadin traffic sil tschancun Punt Russein ento-chen Madernal e quei sco suonda:

2. Fasa

Mardis, ils 10 da zercladur entochen venderdis, ils 19 da settember 2014, quei senza interrupziun.

In'untgida ei pusseivla sin la via da comunicaziun, Mustér–Cavardiras–Pardomat. Per pedunzs e velocipedists ei in passadi adina garantius. Per damondas san ins contactar il responsabel digl uffeci da construcziun bassa dil cantun Grischun, Pius Ca-vegn, telefonin 079 334 74 14. Bien engraziament per la capientscha. Disentis/Mustér, ils 2 da zercladur 2014

*Interpresa Beer SA ed
uffeci da construcziun bassa dil Grischun
Sigis Schmed/Pius Cavegn*



Ovra Russein –di da viseta als plazzals da lavur

Sonda, ils 14 da zercladur 2014 naven dallas 10.00entochen allas 15.30.

L'Ovra Russein SA presenta il project dall'ovra hidrau-lica Russein alla populaziun dallas duas vischnauncas da Mustér e Sumvitg ed envida vischinas e vischins davisitar ils suandonts plazzals da lavur:

- centrala Madernal, davosa viseta cun guida allas 13.30,
- mir da fermada a Barcuns, davosa viseta cun guida allas 14.30.

Muort la serrada dalla via cantunala Punt–Russein /Madernal sto il traffic tier la centrala Madernal ir sur Sumvitg–Cumpadials–Falens–Pardomat entochen tierils parcadis gest suenter la punt da Pardomat. Navendalla centrala entchen si Barcuns sper il mir da fermada curseschan bus. Igl access cun auto privat silla via da Russein entochen a Barcuns ei scumandaus. Ina broschura cun ulteriuras informaziuns vegn tarmessa a mintga casa dallas duas vischnauncas.

Clom d'urgenza118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntoscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas personas el Grischun!

Plinavon daventan ils donns cun mintga minuta spiarsa pli gronds. Perquei s'adressesin nus a Vus cun ina ferventa supplca: *clamei ils pumpiers mo sur il clom d'urgenza 118*. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart a prevenziun anfleis Vus sin nossa pagina d'internet:
www.pumpiers-sursassiala.ch

*Engraziel per Vies sustegn
Vos pumpiers Sursassial*

Biblioteca populara Disentis/Mustér e contuorn

Preziada clientella. Muort ina occurrenza interna resta la biblioteca serrada **gievgia, ils 12 da zercladur 2014**.

Nus engraziein per Vossa capientscha.
Il team dalla biblioteca

Liebe Bibliothekskunden

Wegen eines internen Teamanlasses bleibt die Bibliothek am **Donnerstag, 12. Juni 2014**, geschlossen.

Wir danken Ihnen für das Verständnis.
Il team dalla biblioteca



Uniun da dunnas Mustér

Nova constituziun dalla suprastonza

Presidenta: Candinas Fabiana, Actuara: Murer Ursina, Cassiera: Làbas Christina, Cuors: Loretz Sigrid

Demai ch'igl ei buca stau pusseivel da remplazzar tut ils posts vacants en suprastonza ei Nanetta Bisquolm sedeclarada promta d'exequir siu post sco responsabla per las devoziuns sco tochen dacheu. Ella vegn denton buca ad assister allas sedutas da suprastonza.

La suprastonza selegra da seveser cun las commembras dall'uniun da dunnas al brunch offerius dall'uniun, ils 31 d'uost a Caischavedra e giavischa a tuttas ina biala e caulda stad.

Suprastonza uniun da dunnas

Uniun da catschadurs Péz Alpetta Salvament d'anseuls

Preziai purs, uss ei il temps che las cauras cavriel fan ansiel. Stedi sesanflan ellas cun lur anseuls els praus che vegnan segai. Aschia vegnan mintga onn anseuls per la veta entras maschinas da segar. Cun pign engaschi san ins evitar quei. Purs che fan fein en loghens nua che cavreuls sesanflan, ein supplicai da s'annunziar tier nus in di avon segar. Aschia savein montar mintgamai ina bandiera el prau pertuccont. Entras il disturbi da quellas prendan las cauras ils anseuls ord il prighel. Annunzias saveis far tier il cau da tgira sut la numera 079 304 33 61. Bien engraziament per vossa collaboraziun

Uniun da catschadurs Péz Alpetta, il cau da tgira

Orientaziun dil CB Sedrun/Mustér

Affons che han il desideri d'entscheiver a dar ballapei lasesiun 2014/15 (uost 2014) ein supplicai da seolver tier:

annadas 2006–2008: Guido Friberg, 081 936 52 42

annadas 2004–2005: Dario Manetsch, 081 947 63 79 ni 079 405 92 67

annadas 2003 e pli vegls: Tina Bundi, 081 947 52 81

Per ch'il club sappi planisar la sesiun vegnenta supplichein da s'annunziar entochen la fin digl onn da scola.

Club da ballapei Sedrun/MustérSuprastonza e trenaders

Communiun a malsauns ed attempai

Naven dil zercladur 2014 vegnan sur Georg sco era Rita Furger a purtar la s. Communiun als malsauns ed at-tempai. Alternond fan ei quei survetsch als pertuccai equei per ordinari igl emprem venderdis dil meins: avonmiezdi naven dallas 10.00 entochen las 11.30 e suentermiezdi dallas 14.15 entochen las 17.00. Quels che hanfatg diever da quei survetsch entochen uss, vegnan informai directamein la proxima jamna.

Tgi che giavischa da niev da saver retscheiver la s. Communiun a casa, sa seolver tier il secretariat dalla pleiv Sogn Gions.



Casa da tgira Sursassiala

Inauguraziun festiva dalla novacasa da tgira a Mustér Sonda, ils 14 da zercladur 2014 allas 11.00.

Gia dapi ils 11 da fevrer 2014 han ils cussadents saviuprender dimora ella nova casa da tgira a Mustér. Ils 14 da zercladur ha l'inauguraziun liug. La festividad en tscheiva allas 11.00 silla piazza avon casa cul programsuandont:

- Beneventaziun entras il president dalla Fundaziun Casa da tgira Sursassiala, Duri Huonder
- L'ovra ei reussida: Insguard anavos entras il presidentdalla cumissiun da baghegia, dr. Dumeni Columberg
- Rapport dils architectes: ieres Aschwanden, archi-tecta responsabla
- Benedicziun dallas localitads entras msgr. avat Vigeli Monn

La festividad vegn enramada da produziuns canticas dil Chor mischedau da Sedrun e dils affons dalla scola da Medel. Silsuenter vegn offeriu in refrestg cun ustria organisada dall'unìun purila e dallas puras. Naven dallas 12.00 entochen las 15.30 ha la publicitad la pusseivladad da prender investa dallas novas localitads.

Casa da tgira Sursassiala